

REGIONAL NEWS UNIT
ALL INDIA RADIO, SILCHAR

MORNING BULLETIN : BENGALI

Date:- 25-06-2017

Time : 07:35-07:40 Hrs

-

প্রধানমন্ত্রী নরেন্দ্র মোদী আজ আকাশবাণীর মন-কি-বাত অনুষ্ঠানে দেশবাসীর সঙ্গে মত বিনিময় করবেন। এটি হবে আকাশবাণীর মন-কি-বাত অনুষ্ঠানে প্রধানমন্ত্রীর ৩৩তম পর্ব। আজ বেলা ১১টায় আকাশবাণী ও দূরদর্শনের সবকটি নেটওয়ার্কে এই অনুষ্ঠান সম্প্রচার করা হবে। প্রধানমন্ত্রীর কার্যালয়, তথ্য ও সম্প্রচার মন্ত্রণালয়ও ডি ডি নিউজের ইউ টিউব চ্যানেলেও এই অনুষ্ঠান শুনা যাবে। প্রধানমন্ত্রীর অনুষ্ঠানের পরই আকাশবাণীতে প্রধানমন্ত্রীর ভাষণের আঞ্চলিক অনুবাদ প্রচার করা হবে। রাত ৮টায় বাংলা অনুবাদ আমাদের কেন্দ্র থেকে পুনরায় প্রচারিত হবে। এর পরিপ্রক্ষিতে আজ আমাদের কেন্দ্র থেকে প্রচারিত আঞ্চলিক সংবাদ রাত ৭টা ৫৫মিনিটের পরিবর্তে রাত ৭টা ৪৫মিনিটে প্রচারিত হবে।

সরকার বিদ্যুৎ সরবরাহ ব্যবস্থাকে সহায়তা করার উদ্দেশ্যে আবহাওয়া সম্পর্কিত তথ্য প্রদানের জন্য একটি নতুন পোর্টেলের সূচনা করেছে। কেন্দ্রীয় বিদ্যুৎমন্ত্রী পীযুষ গোয়েল নতুনদিল্লীতে গতকাল এই পোর্টেলের উদ্বোধন করে বলেন যে এই পোর্টেল পরিকল্পিত বিদ্যুৎ পরিকাঠামো এবং বিদ্যুৎ সরবরাহ স্বাভাবিক রাখার ক্ষেত্রে সহায়তা করবে। এই পোর্টেল অঞ্চল

ভিত্তিক প্রতিদিন এবং আগামী ১সপ্তাহের আবহাওয়ার পূর্বাভাস জানাতে সক্ষম বলে তিনি উল্লেখ করেন ।

বরাক উপত্যকায়ও আজ ধর্মীয় উৎসাহ উদ্দীপনায় রথযাত্রা উৎসব পালন করা হবে । আজ বিকেলে শিলচর ইসকন মন্দির সহ শ্যামসুন্দর আখড়া, গোপাল জিউর আখড়া, মদন মোহন আখড়া সহ অন্যান্য মঠ মন্দির থেকেও ভগবান জগন্নাথ বলরাম ও বোন সুভদ্রাকে নিয়ে রথ বের হবে । এউপলক্ষ্যে করিমগঞ্জের মদন মোহন আখড়া, হাইলাকান্দির গৌরীয় মঠ থেকেও রথযাত্রা বের হবে । এদিকে রথযাত্রা উপলক্ষ্যে বিভিন্ন স্থানে আজ মেলারও আয়োজন করা হয়েছে ।

অম্বুবাচী মেলা উপলক্ষ্যে কামাখ্যা মন্দিরকে কেন্দ্র করে গৌহাটিতে গত শুক্রবার থেকে শুরু হওয়া চিত্র প্রদর্শনীর আজ শেষ হচ্ছে । এই তিনদিন মোট ৩০জন শিল্পী কামাখ্যা মন্দিরের বিভিন্ন দিক চিত্র প্রদর্শনীর মাধ্যমে তুলে ধরেন । এই প্রদর্শনীর উদ্বোধন করেন রাজ্য পর্যটন উন্নয়ন কর্পোরেশন লিমিটেড এর চেয়ারম্যান জয়ন্ত মল্ল বরুয়া ।

আসন্ন ঈদ-উল-ফিতর উপলক্ষ্যে হাইলাকান্দির উপায়ুক্ত কৃষ্ণ গোপাল ভূইয়া ইসলাম ধর্মাবলম্বীদের শুভেচ্ছা জানিয়ে জেলার সব ঈদগাহ ও মসজিদ কমিটির কর্মকর্তাদের কাছে ঈদের জামাতে হাইলাকান্দি জেলার সার্বিক উন্নয়ন, সমৃদ্ধি শান্তি ও সম্প্রীতি বজায় রাখতে সর্বশক্তিমানের কাছে কামনা করার আবেদন জানিয়েছেন । তিনি বলেন যে শান্তি, সম্প্রীতি সর্বদা সুস্থ ও সবল সমাজ গঠনে এক গুরুত্বপূর্ণ ভূমিকা নেয় ।

শিলচর-লামডিং ব্রডগেজ রূপায়ন সংগ্রাম কমিটি ভৈরবী যাত্রীরেলকে সপ্তাহে একদিন বন্ধ করে দেওয়ার প্রতিবাদে গতকাল বদরপুর রেলওয়ে এরিয়া ম্যানেজার কার্যালয়ের সামনে বিক্ষোভ প্রদর্শন করে। গতকাল বেলা ১০থেকে ওই কার্যালয়ের সামনে তিন জেলা থেকে আগত সংগ্রাম কমিটির সদস্য ও হাইলাকান্দি জেলার বিশিষ্ট নাগরিকরা ধর্না কার্যসূচী শুরু করেন। এতে কমিটির অন্যতম আহ্বায়ক অজয় রায়, শিশীল পাল, সন্তোষ মজুমদার, অরুনাংশু ভট্টাচার্য, সুব্রত নাথ প্রমুখ শিলচর-ভৈরবী যাত্রী রেলকে সপ্তাহে একদিন বন্ধ না করা হাইলাকান্দি রেল ষ্টেশনের ১নম্বর প্লেটফর্ম থেকে যাত্রী ওঠানামার ব্যবস্থা করা, হাইলাকান্দি রেল ষ্টেশনে পিআরএস ব্যবস্থা চালু করা, বক্রী হাওয়ার এলাকায় ট্রেনের গতি বৃদ্ধির জন্য অত্যাধুনিক প্রযুক্তির ব্যবহার করা এই রুটে দূরপাল্লার রেল চলাচল শুরু করা ইত্যাদির দাবী জানিয়ে বক্তব্য রাখেন। বেলা ১২টা পর্যন্ত ধর্না কার্যসূচী পালন করে সংগ্রাম কমিটির সদস্যরা এরিয়া ম্যানেজারের মাধ্যমে রেলের মালিগাও-এ থাকা জেনারেল ম্যানেজারের কাছে একটি স্মারকপত্র প্রেরণ করেন।

বরাক হিন্দি সাহিত্য সমিতির কেন্দ্রীয় কমিটির ব্যবস্থাপনায় আজ বেলা ১০টায় শিলচর উন্নয়ন ভবন সংলগ্ন হিন্দি ভবনে দীনেশ প্রসাদ গোয়ালা স্মৃতি পুরস্কার প্রদান সমারোহ অনুষ্ঠিত হবে। এতে ২০১৭ সালের মাধ্যমিক ও উচ্চমাধ্যমিক পরীক্ষায় রাজ্যের মেধা তালিকায় স্থান পাওয়া ও হিন্দি বিষয়ে সেবা বোর্ডে ৮০শতাংশ নম্বর প্রাপক সহ আসাম বিশ্ববিদ্যালয় থেকে স্নাতকোত্তর পরীক্ষায় প্রথম স্থানাধিকারী ছাত্র-ছাত্রীদের সংবোধনা প্রদান করা হবে।

সারা কাছাড়-করিমগঞ্জ-হাইলাকান্দি ছাত্র সংস্থার উদ্যোগে গতকাল শিলচরে বরাক উপত্যকার জন্য পৃথক এ্যাকাডেমিক ক্যালেন্ডার প্রস্তুতকরণ দাবীতে এক গণ অভিবর্তন অনুষ্ঠিত হয়েছে। শিলচরের মধ্যশহর সাংস্কৃতিক

সংস্থার কার্যালয়ে গুরুচরন কলেজের প্রাক্তন অধ্যাপক বীরেন্দ্র সিনহার পৌরহিত্যে অনুষ্ঠিত সভায় বরাক উপত্যকার কৃষ্টি, সংস্কৃতি ও পরম্পরার প্রতি লক্ষ্য রেখে আগের মতো এই উপত্যকার জন্য পৃথক এ্যাকাডেমিক ক্যালেন্ডার প্রস্তুত করতে রাজ্যসরকারের কাছে দাবী জানানো হয়েছে । সেই সঙ্গে দুর্গাপূজার ছুটি বর্তামনে চারদিনের থেকে বাড়িয়ে ২০দিন করা, শবেবরাত, বীরটিকেন্দ্রজিৎ দিবস। রবীন্দ্র জয়ন্তী ইত্যাদি বিভিন্ন ধর্মীয় ও সামাজিক উৎসবের দিনে পূর্বের মতো ছুটি ঘোষণা করার আবেদন জানিয়ে বিভিন্ন বক্তা প্রাসঙ্গিক বক্তব্য রাখেন ।

-----সমাপ্ত-----